

建寧府志卷之八

武署

國朝設協鎮轄中左右浦四營以府署未建暫居民舍中營在郡左營分防崇建二邑右營分防松政二邑順治十一年題設浦城楓嶺營為專營不隸於協鎮初衛廢猶設衛守備今併守備俱裁

協鎮公署在城東親賢坊年久朽敝康熙二十二年協鎮謝恩禮捐俸重整

建寧府志

卷之八

武署

三百一

中營遊擊衙署在城東東長社久壞不堪康熙二十一年遊擊楊桂芳改移門向重加修葺

守備衙署在城東橫街

演武場

在府城威武門外萬安洲上明洪武十三年都指揮施春建有演武亭三所今燬

小演武場

在城內德勝坊

分署

建南道

在宣化坊宋徐叅政元李萬戶居第明洪武初創為福建按察分司二十三年更為

建寧道僉事匡顯於大門內東鑿井一口宣德七年副使劉棻重建後廳增庖福吏舍天順間僉事牟俸增建外門翼以高垣成化十八年僉事談俊知府張正增建花亭并廟廊舊統建

汀邵四府弘治二年巡撫官以處賊盜曠不耕
竊發乃請以延汀邵三府別屬而以本道專統
建寧府及福寧州以彈壓盜賊俾提督坑礦場
時副使蕭謙增置川堂於廳之北以居眷屬治
巷房於西廡以棲胥吏正廳之耳房為燕居待
賓之所嘉靖十二年僉事江佃重修萬曆五年
僉事王廷簡改為建南道統轄延建邵三郡萬
曆十年僉事張正道請建旗鼓萬曆二十一年
僉事莫睿改兩傍為幕舍道之東為縣幕萬曆
二十六年僉事沈儼於重修戊子年燬于兵

行署

府城

察院

在從化坊府治西明弘治二年知府劉輿以
府城隍廟隙地創建按察副使司馬聖為記
見藝文志明嘉靖十八年知府王正思
改為布政分司後仍舊為按察院今燬

建寧府志

卷之八

公署下

四十三

五

東察院

在登俊坊建安縣學故址明
嘉靖間知府謝階改建今燬

布政分司

在宣化坊府學東左衛倉故址
明景泰四年知府賀宏建今燬

公館四所

一在建安縣川石里東遊街 一在建
安縣太平驛之右明嘉靖間改白蓮塘
為之 一在甌寧縣禾供里營頭巡檢
司之右 一在甌寧縣之豐樂里今廢

建陽縣

東察院

在縣治西北舊儒學故址明正德十一年
創建清軍御史王應鵬撰記萬曆己酉水

知縣葉
大受修

西察院

在東察院之右明正德十五年知縣邵
以扣冰寺址創建規制如東察院

布政分司

在縣治東隅明正統間以舊三官堂
置成化間叅政劉觀立二坊萬曆丁

火知縣魏時應重建已
西水知縣葉大受修

公館二所

一在白槎舖之左明嘉靖七年建為上
司舟次停止以避漳灘之險一在黃
口舖之側明嘉靖六年建為上
司往來宿食之所今館廢址存

崇安縣

東察院

在東
峯街

西察院

原在清獻祠右縣令虞大復因改遷新學
明萬曆已酉移建護國寺前仍增郡縣二
幕今為駐
防公署

布政分司

在軍營嶺之左宋省倉址明成化十
一年知縣王肅建今改為中區倉

建南道

在縣治東明洪武初建為
建南道萬曆間改今名

建寧府志

卷之八

公署下

三

四百九

府館

在縣治西營嶺布政分
司之前成化十一年建

公館二所

一在武夷山下都御史行縣建一在
分水關明嘉靖間僉事張儉建後燬

浦城縣

察院

在東隅勝果寺前明嘉靖五年清戎御史
楊勳府同知趙葉即儒學舊址創為之

布政分司

在縣治東西山之精舍後正統六
年建正德十六年改建儒學舊址

按察分司

在縣治東明洪武二年知縣張
鵬舉舊為建寧道後改司名

府館

在縣治東明成化九年通判
李明以玄妙觀隙地建後廢

馬節亭

在迎遠門外明弘治
十七年知縣何棻建

公館五所

一在清湖里臨江鎮一在安樂里
一在土原里一在人和里

一在安樂
里九牧舖

松溪縣

察院

明嘉靖間知縣陳輔創
建舊學明倫堂故址

布政分司

在縣治南明正
統五年建後圯

建南道

在縣治東明洪武初即舊城隍廟遺址建
各按察司後改建寧道嘉靖間知縣黃金

重建萬曆

間改今名

府館

舊在後街文公祠之右罹於兵燹明嘉靖辛
卯知縣陳輔佃為民居嘉靖乙未移創縣治

之西即濟美
行祠故址

政和縣

建寧府志

卷之八

公署下

四

三百五

布政分司

在縣治之西明正統五年知
縣江顯建嘉靖二十一年燬

建南道

在縣治東舊在儒學東明嘉靖間僉事張
儉以本司為學改建今所隆慶六年本道

凌瑄建造大堂舊為建
寧道萬曆間改今名

府館

在縣治西明嘉靖二十一年燬萬曆十
年本府知府徐秋鶚召民買價修府堂

公館三所

一在西津舖 一在魏墩舖
一在谷津場之黃嶺舖

壽寧縣

布政分司

在縣治東明天順七年知
縣沈能建後改為社倉

建南道

在縣治西明景泰七年按察僉事沈
訥建舊為建南道萬曆間更今名

府館

在縣治南明成化六
年建後改為預備倉

公館五所

一在柳安里之龜潭
一在政和里南溪舖右
一在政和里平溪
一在大洋
公館係舊竹管壠公館改建

建寧府志卷之八終

建寧府志

卷之八

公署下

五

七十一